

Friday, September 4, 2026

Time - 2:30pm - 2:35pm

AKASHVANI AIZAWL  
REGIONAL NEWS UNIT

REGIONAL NEWS BULLETIN  
(MIDDAY)



NAPSSR

Mizoram chu ram puma ruihhlo dona -National Action Plan for Drug Demand Reduction (NAPDDR) atana State zawng zawng zinga hma la tha ber a ni.

Sorkar Laipui Ministry of Social Justice & Empowerment thutkhawm nimina neihah he thu hi puan a ni a, Ruihhlo hmansual venna atan Central sorkar chuan State zawng zawngin an kalpui tur National Action Plan for Drug Demand Reduction (NAPDDR) a duang a. He NAPDDR atan hian Mizoramah chuan Social Welfare, Women & Child Development Department chu Nodal Department a ni.

*National Action Plan for Drug Demand Reduction (NAPDDR) in a tum tlangpui te chu ruihhlo ti mek ten damna kawng an zawhna tura hmalak te, enkawlna tha an dawn theihna tura treatment centre-a dah luh te, ruihhlo ngai enkawlnaa thawkte tha tichak tura kawng hrang hranga zirtir te a ni a. Ruihhlo la ti ve lo naupang leh thalaite hnena uluk taka zirtirna pek hi a ngaipawimawh hle bawk a ni. Kohhran leh tlawmngai pawl hrang hrangte nena thawk hovin sawrkar hma a la mek a. Hmeichhia leh naupangte ruihhlo laka an lo him zel theihna turin an zingah theihtawpa hma lak a ni bawk.*

NAPDDR hnuaiah hian District zawng zawnga ruihhlo dona atana hmalakna tura central sorkarin a ruahman Nasha Mukh Bharat Abhiyaan (NMBA) chu District tinah kalpui mek a ni bawk a. District hnathawh lo enpui turin Chief Secretary kaihhruaina hnuaiah ‘State Level Steering & Monitoring Committee on Drug Demand Reduction’ chu a awm bawk a. District tinin ruihhlo dona tana chak zawka hma an lak theihna turin District tina Deputy Commissioner te kaihhruaina hnuaiah ‘District Level Committee on Drug Demand Reduction’ din niin, ‘Block Level Committee on Drug Demand Reduction’ chu BDO kaihhruaina hnuaiah din a ni a ni bawk a; nasa zawk leh chak lehzuala hmalak tum mek tih sorkar thuchhuah chuan a sawi a ni.



**MIZO TAXI APP**

State Transport Authority (STA) chuan MizoTaxi App a in ziahluh theih hun chhung tunthla ni 30 thleng a pawtsei.

State Transport Authority (STA) chuan thuchhuah siamin Mizoram chhunga Passenger phur chi lirthei chi hrang hrang, Four Wheeler Taxi, Two Wheeler Taxi leh Auto Rickshaw-a chuang thin te'n sorkar approved rate diktak an chawi theihna atana duan Mizotaxi app chu Aizawl khawpui chhungah hman chhoh mek zel a ni a ti a. Hetih lai hian Mizotaxi app hnuaia lirthei inziak lut ten mipui mamawh khawp an la phuhruk zoh loh avang leh lirthei inziak lut an la tlem avangin trip cancel a tam thu an tarlang a. Hemi a nih avang hian STA chuan Mizotaxi App hnuaia inziahlul theih hun chu July ni 31 khan titawp lawilawk mahse hun tiam chhunga inziak lut ve hmanlo leh online kaltlanga dil, hun tiam chhunga in clear hmanlo te an awm avangin Mizotaxi App hnuaia inziahlul hun chhung chu tunthla ni 30 thleng pawhsei a nih thu an sawi.

Tun dinhmun ah Mizotaxi app hnuaiah lirthei 1549 in ziaklut an awm tawha, heng lirtheite hian Mizotaxi sticker belin Aizawl khawpui chhungah documents clear vekin, a khalhtu fel taka register in an service mek a ni an ti a. Mizotaxi app hnuaia in ziaklut lirthei te chu mipui mamawhna phuhru tura online reng tur leh a tam thei ang ber tlan turin an ngen a ni.

Kan corr zawhna chhangin Two Wheeler Taxi President Pu Lalhmunmawia chuan thuneitu lamin inziahlul hun pawtsei mahse sorkar laka an thil phut hrang hrang tih hlawhtlin sak an nih hma chuan inziah luh an tum rihlo tih a sawi.



**PRIME MINISTER :**

Prime Minister Narendra Modi chuan Indian Space Research Organistaion-in a satellite thar a kahchhuah chuan van thengreng lama India hmasawinna chu a taka a lantir thu a sawi.

ISRO ten a Geosynchronus orbit-a khawvel hel kual tur atana thla lem an kahchhuah, GSLV- F17 hian thlalakna khawl EOS-05 a keng tel a, hetiang a hna thawk thei tur thla lem hi India chuan a kah chhuah hamsak berna niin, Defence Minister Rajnath Singh pawhin he thla lem hi tangkai taka hman a nih tur thu leh, India space programm hlawhtlinna khawvel huap a phochhuaktu a nih thu a sawi bawk.



**NEPAL AID :**

Nepal-a khuarel chhiatna thleng avangin India chuan thlawhtheihna hmangin chhawmdawlna bungrua a thawn belh zel.

Wawiin chawhma lama Ministry of External Affairs thuchhuakin a tarlan danin, chhawmdawlna bungrua hi Indian Air Force thlawhna lian chi Hercules C-130 J pahnih hmangin tonn 21.5 zet a rit Nepal-ah hian phurh luh leh a ni a, Nepal

ram aiawhin Minister for Science, Technology and Innovation, Mahabir Pun chuan  
a lo dawng a ni.

(NewsOnAir)

